



Infurmaziuns dalla suprastanza communal da digl cumeegn Albula/Alvra:

Fanadour / avost 2020

- La suprastanza ò examinò ed approvò diversas dumondas da biagier. La suprastanza ò piglia cunaschienscha dallas lubientschas da biagier concedidas durant igls meis da fanadour ed avost 2020 an procedura da lubientscha da biagier simpla.
- Igl rendachint annual 2019 digl cumeegn Albula/Alvra è nia deliberò permangs dalla radunanza communal, siva tgi la cumischung da gestiun ed igl post da revisiun extern on gìa examinò tal minuziousamaintg. Igl rendachint annual 2019 sera cun en total d'antradas da CHF 16'018'749.18 ed expensas totalas da CHF 14'456'006.43 cun en surple d'antradas da CHF 1'562'742.75. Tar las expensas totalas èn neidas cudischedas amortisaziuns an import da CHF 1'056'031.70 sen la facultad administrativa.
- Sa basond alla decisiun dalla radunanza communal digls 27-02-2019 ò la suprastanza vandia las immobiglias communalas ad Alvaschagn, Mon e Stierva.
- Per mangs dalla radunanza communal ò la suprastanza deliberò en credit da CHF 643'000.00 per la sanaziun dallas deponias viglias digls indrezs da sagettar ad Alva-gni vischnanca, Mon e Surava. Siva dalla deducziun dallas contribuziuns dalla confederaziun e digl cantun montan igls costs restants pigl cumeegn CHF 330'000.00.
- An connex cun la sanaziun digl our digl sbuaditsch, veia da comunicaziun da Brienz/Brinzauls – Vasarauls, èn neidas surdadas las lavours d'electricitad, da construcziun e da sanitad.
- Aint igl rom digl preavertimaint 2019 - 2024 ò la suprastanza communal surdo l'incumbensa da cuntinuar cun las misiraziuns da radar an connex cugl sbuaditsch da Brienz/Brinzauls.
- Per l'amplificaziun dall'illuminaziun dalla Veia Gelgia (sen taragn Arniev - N A29), ò la suprastanza deliberò en credit brut da CHF 29'800.00. Per l'amplificaziun digls rols veids, da Rand anfignen la staziun, an connex cugl mantignamaint dalla reit, è nia approvò en credit an import da CHF 11'800.00.
- Igl rendachint annual 2019 digl menaschi forestal e d'ovra Albula è nia examinò dalla suprastanza e piglia per cunaschienscha.
- La suprastanza communal ò approvò e deliberò las tractandas ed igl messadi per la radunanza communal digls 27 d'avost 2020.
- La suprastanza communal ò approvò igl contract « Parc Ela » 2022 - 2031. Chel duess neir sottamess per l'approvaziun alla radunanza communal tgi ò li alla fegn d'otgover.

- An connex cun la renovaziun digl provedimaint d'ava ad Alvaschagn è neidas surdadas las lavours da cuvreida (radond CHF 55'000.00).
- Per l'amplificaziun digl sistem da survegliaziun permanent GPS (sbuaditsch Brienz/Brinzauls) ò la suprastanza approvo en credit an import da CHF 51'459.05. I duessan neir persequitadas las suandontas fegnameiras:
 - cumprimer la reit da misiraziun per controllar igl success da gallareias da sondadi e da drenascha;
 - far monitoring digls puncts impurtants per la tgapientscha digl process.
- An connex cun la drenascha dalla aclas da Brinzauls ò la suprastanza approvo en credit brut da CHF 55'000.00 per l'execuziun dalla lennareia.
- La suprastanza ò pudia piglier cunaschientscha digl nov trassé planiso dalla Swiss-grid davent da La Punt anfignen Seglias an Tumliastga. Igl muteiv digl trassé nov sa basa a novas cundiziuns legalas, alla situaziun da construcziun scu er agl sbuaditsch aint igl territori da Brienz/Brinzauls.

Radunanza communal digls 17 da fanadour 2020

- Igl votants on approvo en credit brut da CHF 4'350'000.00 per examinar igl concept «Sbuaditsch dalla muntogna» a Brienz/Brinzauls. La confederaziun ed igl cantun on siero contribuziuns an import da 90 %. Igl 10 % restants vignan finanztgias digl uffezi da construcziun bassa digl cantun Grischun (3 %), dalla Veiadafier Retica (2 %) e digl cumegn Albula/Alvra (5 %).
- Per la sanaziun dalla drenascha «Aclas da Brinzauls» on igls votants approvo en credit brut da CHF 2'300'000.00. Finanziaziun: la confederaziun ed igl cantun sa participeschan cun 90 %, igl uffezi da construcziun bassa digl cantun Grischun 3 %, la Veiadafier Retica cun 2 % ed igl cumegn Albula/Alvra 5 %.
- La radunanza communal ò concedia en credit brut da CHF 710'000.00 per traversar igl our digl sbuaditsch a Vasarauls (transfer da lengias d'ava e d'electricitad, adattaziun dalla veia da comunicaziun da Brienz/Brinzauls - Vasarauls).

Radunanza communal digls 27 d'avost 2020

- Sen proposta dalla cumischung da gestiun ò la radunanza communal approvo igl rendachint annual 2019 digl cumegn Albula/Alvra.
- L'iniziativa per la reintroducziun digl rumantsch surmiran ainten la scola populara a parteir digl onn da scola 2021/2022 è neida approvada dalla radunanza communal.
- Per la compra d'en vehichel communal è nia delibero en credit brut da CHF 250'000.00.
- La radunanza communal ò concedia en credit brut da CHF 643'000.00 per la sanaziun dallas deponias viglias digls indrezs da sagettar ad Alvagni vischnanca, Mon e Surava. Pigl cumegn Albula/Alvra restan costs da CHF 330'000.00.